

4 Nok ji-o-nenh akwah yakhonderighwihhewe, Niyoh dahho-nhane ne Royenhah, rodonnihon ako-nheghtyenkeh, kaghson o-nakonh naghtyawenraghtsera,

5 Ne ne aonsaghsakoyadako ne ne yakoyadoghrarakonh ne aghtyawenraghtsera, ne ne aondon aonsedewaye-na ne aonsedewadaderakwaghse ne niyer hadasa.

6 Neony ne karihhonny ne ise eghtshisewayenhokonhah, Niyoh tho-nhaonh ne kanikonra ne ne Royenhah etho se-weryaghsakonh, rawennodatye radonne, *Abba*, Rakenyh.

7 Ne kady wahhonny yaghdn shekonh desyannhase, ok se denh s'yayenhah; nok doka ne royenah, nenky raowenghk ne Niyoh ne enkarihhonny Keristus.

8 Dokady nen-yawenne nethone, ne nyaghdegghisewayenderyh ne Niyoh, eghnisewayerenh ji-nikarihhodenh ne ro-nonhhakeh ne ne eghnihhonnonnhodenh yaghdeh-hodi-niyohserayen.

9 Nok nonwa, nen-oghnakenkeh sewaderyendaraonh sewaghronkaonh ne Niyoh, ne denhens ne senhha sewanonwese eso aaghjhisewayenderene ne Niyoh, do nen-yawen ji-are eghseghsatyadontyeghtha ji-nonka tyu-netskhah yon'rare nokhony ne nakwah yukenrat ji-nikanekha ji-dewadonryeghtha jiyonghwenjade, shekonh-kenh ne desewadonghwenjonyh ne sewanaghskwa enjisewadon?

10 Sewatyeghwadenh weghniserade-nyon, ony weghnidade-nyon, nokhony nok tyutkonh, ony jiyughserade-nyon.

11 Kwatshanighse, onwa neken I enkwayudenghseron ne kaghstontstony.

12 Dewadadekenhokonhah, Wakwennidenghden, eghnasewayadodenhak ji n'I niyught; ikenh r'I-ih eghnikyadodenh ji-nisewayadodenh: yahhothe-non degghskwakarony.

13 Sewaderyendare ji-niyeyuderighwinonh natkaronnyaghtsera ne nowaghronneh I kwaderighwaghnodonse ne orighwadokenghdy ne isekheh jityotyerenghdonh.

14 Neony akwennakeraghdonghtsera ji-nahhoden iwat nakewaghronneh yaghkady desewakenghradanionh, yahhony degghskwadekwaghdonh; ok sedenh wagghskwaye-na ji-niyught ne raoronghyakeghro-non ne Niyoh, shadi-sewayere ji-niyught ne Keristus *Yesus*.